



REPUBLIKA E SHQIPËRISË
KËSHILLI I MINISTRAVE
KËSHILLI KOMBËTAR I TERRITORIT

DOKUMENTI I RREGULLORES SË VEÇANTË

Leje Zhvillimi për objektin: "RESORT MULTIFUNKSIONAL, BANIM, HOTEL DHE SHËRBIME ME 2, 4, 5 KATE MBITOKË DHE 1-2 KATE NËNTOKË, FAZA 3, ME VENDNDODHJE NË BASHKINË SARANDË, ME SUBJEKT ZHVILLUES "TDT & PARTNERS" SHPK"

MIRATOHET
KRYETARI I K.K.T.

Z. EDI RAMA

MINISTËR I TURIZMIT, KULTURËS DHE SPORTIT

Z. BLENDI GONXHJA

Miratur me Vendim të Këshillit Kombëtar të Territorit Nr. 11, Datë 17.12.2024

Projektues:

BOFILL TALLER DE ARQUITECTURA
DALMAT ARCHITECTURE
Nr. Lic. A1184/2

Zhvillues:

TDT & PARTNERS sh.p.k.

BOFILL ARQUITECTURA, S.L.
Avenida Industria, 14
08960 Sant Just Desvern
(Barcelona)
N.I.F. B-59619734



TABELA E PËRMBAJTJES SË DOKUMENTIT TË RREGULLORES SË VEÇANTË

1. Dispozita të Përgjithshme

1.1 Baza Ligjore

1.2 Përshkrim i zonës së studiuar

2. Ekstrakte të Planit të Përgjithshëm Vendor

2.1 Përputhshmëria me kategorinë e përdorimit të tokës sipas PPV-së

2.2 Seti i fragmenteve të hartave të PPV për zonën në zhvillim

3. Analiza e Gjendjes Ekzistuese

4. Rregullat e Zhvillimit të Territorit

4.1 Funksionet dhe aktivitetet e propozuara

4.2 Pamja e Jashtme e Godinave / Trajtimi i Fasadave / Rifiniturave

4.3 Përcaktimin e treguesve për zhvillim të projekt-propozimit

4.4 Hapësirat e lira dhe të gjelbërta / vendparkimet

5. Rregullat e Rrjeteve të Infrastrukturës

5.1 Pozicionimin e shërbimeve dhe rrjeteve kryesore të infrastrukturave



1. Dispozita të Përgjithshme

1.1 Baza Ligjore

Kjo rregullore e veçantë përcakton kushtet e përgjithshme të Lejes së Zhvillimit për objektin: "RESORT MULTIFUNKSIONAL, BANIM, HOTEL DHE SHËRBIME ME 2, 4, 5 KATE MBITOKË DHE 1-2 KATE NËNTOKË , FAZA 3, ME VENDNDODHJE NË BASHKINË SARANDË, ME SUBJEKT ZHVILLUES "TDT & PARTNERS" SHPK" bazuar në:

- Ligjin Nr. 107/2014, datë 31.07.2014 "Për planifikimin dhe zhvillimin e territorit", i ndryshuar nenit 7 dhe neni 28.
- Vendimin Nr. 408, datë 13.05.2015 të Këshillit të Ministrave "Për miratimin e rregullores së zhvillimit të territorit", i ndryshuar.
- Plan i Përgjithshëm Vendor i Bashkisë Sarandë, miratuar me Vendim Nr. 3, datë 16.10.2017 të Këshillit Kombëtar të Territorit.

1.2 Përshkrim i zonës së studiuar

Zona e zhvillimit të masterplanit të propozuar shtrihet në zonën e poshtme të kalasë së Lëkursit, Sarandë. Masterplani i plotë është i ndarë në disa faza zhvillimi dhe ndërtimi dhe projekti i mëposhtëm është Faza e 3 e tij.

Zona në afërsi me pronën, është lënë bosh dhe e pashfrytëzuar, por, në pjesën më të ulët të saj, në afërsi me zonat më urbane, ndodhen disa objekte të ulëta kryesisht 2-3 kate. Këto objekte janë ndërtime sporadike, informale dhe kryesisht të papërfunduara dhe të lënë në fazë karabina.

Në aspektin turistik, zona ka një pozicionim shumë të favorizuar duke qënë se ndodhet në një kodër të pjerrët e cila gëzon një pamje të papenguar të bregdetit.

Në vitet e fundit, është përmirësuar infrastruktura e qytetit të Sarandës dhe jugut të Shqipërisë. Në pjesën lindore të pronës kemi Rrugën "Butrinti" e cila ndodhet në anën e djathtë të Masterplanit, në një distancë prej rreth 300 m, dhe vazhdon përgjatë gjithë bregdetit të Sarandës deri në Butrint. Pothuajse paralel në një distancë prej rreth 200 m me këtë rrugë ndodhet dhe një rrugë e re e ndëruar së fundmi e cila nis nga Rruga "Skënderbeu" në pjesën veriore të saj dhe bashkohen me Rrugën "Butrinti" në Jug. Të dyja këto rrugë janë me dy korsi kalimi dhe kanë një seksion prej rreth 6.5 m të gjerë.

Në afërsi të pjesës Veri-Lindore të pronës kemi dhe rrugën e cila të çon në Kalanë e Lëkursit.

Këtë vit është hapur dhe tuneli i Llogarasë, i cili e bën më të lehtë dhe të shkurtër udhëtimin nga qytetet në zonën e mesme dhe veriore të Shqipërisë, duke përfshirë këtu dhe rrugën nga aeroporti i Rinasit.

Qeveria ka vendosur gjithashtu për ndërtimin e një aeroporti në jug të Shqipërisë, më saktë në qytetin e Gjirokastrës. Ky aeroport do të ndodhej vetëm një orë larg nga prona me makinë, duke



25/392, 25/401, 25/402, 25/403, 25/404, 25/405, 25/406, 25/409, 25/717, 25/722, 25/725

Më poshtë mund të shihet pozicionimi i gjithë Masterplanit në ortofoto, konturi i fazës I, si dhe ndarja e fazes së tretë:



Fig.1—Pozicionimi i truallit në Google Earth



2. Ekstrakte të Planit të Përgjithshëm Vendor

2.1 Përputhshmëria me kategorinë e përdorimit të tokës sipas PPV-së

Projekti "RESORT MULTIFUNKSIONAL, BANIM, HOTEL DHE SHËRBIME ME 2, 4, 5 KATE MBITOKË DHE 1-2 KATE NËNTOKË, FAZA 3, ME VENDNDODHJE NË BASHKINË SARANDË, ME SUBJEKT ZHVILLUES "TDT & PARTNERS" SHPK" është i shtrirë në 9 nën-njësi: SA.UB.8.312, SA.UB.8.310, SA.UB.8.204, SA.UB.8.311, SA.UB.8.274, SA.UB.13.313, SA.N.135, SA.N.418, SA.N.201. Faza e parë e këtij Masterplani do të shtrihet në nën-njësitë SA.N.201, SA.UB.8.311, SA.UB.8.274 dhe SA.UB.13.313.

Në rastet kur propozimi për zhvillim, pozicionimi i strukturave në territor dhe projekti arkitektonik i tyre vlerësohet direkt në Këshillin Kombëtar të Territorit apo nga Bashkia e Sarandës, për stimulimin e një lloji të caktuar zhvillimi, atëhere këto struktura dhe parcelat në funksion të tyre përjashtohen nga llogaritja e treguesve të zhvillimit për njësinë përkatëse si dhe nga kushtet e planifikimit të parashikuara sipas neneve 48 deri 57 të kësaj rregullore të kushteve të distancave sipas nenit 52 të kësaj rregullore në respektim të nenit 35 të "Rregullores së Zhvillimit të Territorit", miratuar me VKM Nr. 408, datë 13.05.2015, e ndryshuar.

2.2 Seti i fragmenteve të hartave të PPV për zonën në zhvillim

Më poshtë paraqiten të gjitha hartat nga Plani i Përgjithshëm Vendor i Bashkisë Sarandë dhe vendndodhjen e projektit "RESORT MULTIFUNKSIONAL, BANIM, HOTEL DHE SHËRBIME ME 2, 4, 5 KATE MBITOKË DHE 1-2 KATE NËNTOKË, FAZA 3, ME VENDNDODHJE NË BASHKINË SARANDË, ME SUBJEKT ZHVILLUES "TDT & PARTNERS" SHPK" në to.




Fig. 2 – Harta e propozuar e kategorive të përdorimit të tokës




Fig. 3 – Harta rugore e propozuar



Fig. 4 – Harta e vizionit strategjik



3. Analiza e Gjendjes Ekzistuese

Prona në total aktualisht në pjesën më të madhe është lënë bosh dhe e pashfrytëzuar, por, në pjesën më të ulët të saj, në afërsi me zonat më urbane, ndodhen disa objekte të ulëta kryesisht 2-3 kate. Këto objekte janë ndërtime sporadike, informale dhe kryesisht të papërfunduara dhe të lënë në fazë karabina. Pjesa e objekteve të cilat janë përfunduar funksionojnë si vila individuale banimi. Megjithatë, faza e parë e zhvillimit të objektit nuk ka ndërtime brenda kufijve të saj, duke mos qënë nevoja për ndërhyrje në këtë pikë të projektit.

Të gjitha ndërtimet që ndodhen në pronë janë bërë pas vitit 2000. Deri në atë periudhë, jo vetëm prona, por e gjithë zona përfshirë këtu dhe vijën bregdetare ishte e pandërtuar. Por, me rritjen e lëvizjes së njerëzve brenda për brenda vendit, si dhe ardhjen e turistëve nga jashtë, u rrit kërkesa për ambiente turistike duke sjellë ndërtimet që shohim sot.

Duke qënë se ndërtimet lindën nga kërkesat turistike, edhe ndërtimet kryesisht me atë funksion janë. Në pjesën bregdetare në anën e majtë të pronës kemi të fokusuar shërbime të tipit bare dhe restorante, si dhe ndërtime të ndryshme hotelerie si hotele 3-6 kate, vila individuale 2-3 kate dhe resorte të ndryshme.

Pas vijës së parë bregdetare, përgjatë rrugës “Butrinti”, kemi pallate të ndryshme 5-7 kate të cilat funksionojnë në formën e apartamenteve me qera për pushuesit e ndryshëm. Në rripin e krijuar midis kësaj rruge dhe rrugës së re të ndërtuar gjejmë pallatet e sipër-përmendura, disa hotele 4-5 katëshe dhe restorante të ndryshme në katet përdhe të ndërtimeve.

Nga linja e krijuar nga rruga e re dhe deri në afërsi të pronës, ndërtimet bëhen më sporadike duke mos pasur dhe infrastrukturë të mirëfilltë, por kryesisht rrugë rastësore, të pa shtruara dhe të pa lidhura me njëra-tjetrën. Objektet në këtë linjë janë rreth 3-4 kate, por kanë ngelur në pjesën më të madhe të tyre në fazë karabina.

Pozicioni i pronës është shumë i favorizuar prej vendndodhjes pranë Kalasë së Lëkursit, si dhe vendosjen në një kodër të pjerrët e cila gëzon një pamje të papenguar të bregdetit. Faza 1 e projektit do të jetë në pjesën më të lartë të kodrës dhe faza 3 e projektit do të jetë në vazhdim të saj përgjatë kodrës.

Duke marrë parasysh afërsinë me Kalanë e Lëkursit dhe pozicionit e afërt me bregdetin, kjo zonë ka një potencial shumë të madh zhvillimi, duke bërë të mundur rivitalizmin e zonës në fjalë. Rivitalizimi shoqërohet dhe me potencialin turistik të saj duke theksuar elementët arkitektonike si vetë kalaja, zonat arkeologjike në afërsi të zonës nën interes, bunkeret e vjetra etj.





Fig. 5 – Foto e gjendjes ekzistuese të truallit, Faza 3



Fig. 6 Foto e gjendjes ekzistuese të truallit, këndi i shikimit drejt bregdetit nga faza 3

4. Rregullat e Zhvillimit të Territorit

4.1 Funksionet dhe aktivitetet e propozuara

Duke pasur parasysh përmasat e Masterplanit të propozuar, projekti parashikon tipologji të ndryshme objektesh, si: vila individuale 1-2 kate me përmasa nga 150 – 500 m², palazzina 4-5 kate me funksion apartament ose apart-hotel, hotele 4* dhe 5* dhe ambiente komerciale të ndryshme. Në fazën e 3 të projektit kemi kryesisht objekte për apartamente nga 5 kate






Fig. 7 – Ndarja funksionale e projektit

Rrugët këmbësore të cilat dalin si reze nga Agoraja në Fazën e parë, do të vazhdojnë dhe përgjatë Fazës 3. Këto rrugë të çojnë në piazza të ndryshme në pronë deri në përfundim të tyre në pikat e vëzhgimit ndaj qytetit ose siç janë quajtur ndryshe, Belvederet.




Fig. 8 – Akset këmbësore të projektit sipas pikave të shikimit



Tipologjia e vilave të përdorura në fazën e 3 të projektit do të jenë Vila e tipit A me sip. 150 m², tipi B me sip. 220 m² dhe vila e tipit C me sip. 320 m². Vilat janë të organizuara në dy kate lartësi dhe një kat nëntokë. Hyrja për në nëntokën e vilave bëhet në mënyrë direkte në të njëjtën kuotë nga rruga. Vilat bashkëngjiten me njëra-tjetrën dhe mbulohen me nga një tarracë të përbashkët. Ky unifikim nëpërmjet tarracës krijon një element arkitektonik që 'kamuflo' dhe unifikon objektet. Aty ku nevojitet kjo tarracë e përbashkët, sipas pjerrësisë së terrenit, shfrytëzohet si tarracë e gjelbëruar.

Në pjesën balllore të vilave, krijohen "oborre" personale, të krijuara nga shkallëzimi i nëntokës, ku secila vilë ka pishinën e saj individuale. Këto oborre, në pjesën që ballafaqohet me rrugën, mbillen me gjelbërime të ndryshme për të krijuar privatesi.

- Vila e tipit A

Vila A do të ketë dy kate mbi tokë me sip. 75 m² secili për një sip. totale të ndërtimit mbi tokë prej 150 m². Kjo është tipologjia më e vogël në sipërfaqe në projekt si dhe vilat më të përdorura në projekt duke pasur 4 objekte me 28 vila individuale të tipit A në fazën 3. Vilat janë të bashkangjitura duke bashkuar rreth 6-9 vila dhe duke krijuar një rresht vilash të mbuluara me një tarracë të përbashkët.

Duke marrë parasysh dhe sipërfaqen e vogël të kësaj tipologjie vilash, edhe pishinat private të secilës vilë janë të përmasave më të vogla në krahasim me tipet e tjera të vilave.



Fig. 9 – Planet e vilës tip A






Fig. 10 – S-2 – Plani i katit përdhe




Fig. 11 – S-2 – Plani i katit të parë

Në fazën 3, sipërfaqet për tipologjinë e Vilës A janë si më poshtë:

- | | |
|--|-----------------------|
| - Sipërfaqe e truallit e zënë nga struktura (kat përdhe): | 2140.5 m ² |
| - Sipërfaqe e truallit e zënë nga struktura (projeksioni): | 2752 m ² |
| - Sipërfaqe e përgjithshme e ndërtimit mbi tokë: | 4280 m ² |



- Vila e tipit B

Vilat e tipit B kanë një sip. totale prej 220 m² të ndarë në dy kate me sip. 110 m² secili kat. Në fazën 3 ndodhen 3 objekte me një total prej 7 njësi individuale vilash. Vilat e tipit B kanë nga 4 dhoma gjumi dhe një pishinë private e cila përshtatet me formën e terrenit.




Fig. 13 – Planet e vilës tip B




Fig. 14 – S-4 – Plani i katit përdhe




Fig. 15 – S-4 – Plani i katit të parë

Në fazën 3, sipërfaqet për tipologjinë e Vilës B janë si më poshtë:

- | | |
|--|-----------------------|
| - Sipërfaqe e truallit e zënë nga struktura (kat përdhe): | 783 m ² |
| - Sipërfaqe e truallit e zënë nga struktura (projeksioni): | 1077.6 m ² |
| - Sipërfaqe e përgjithshme e ndërtimit mbi tokë: | 1575.5 m ² |



- Vila e tipit C

Vilat e tipit C janë vilat më të mëdha në sip. por dhe vilat me numrin më të vogël duke pasur vetëm 1 objekt me 2 njësi individuale në fazën 3. Vilat kanë 2 kate me sip. 160 m² secila për një sip. totale mbi tokë prej 320 m². Edhe këto vila bashkohen për të krijuar një volum me një taracë të përbashkët. Duke pasur parasysh sip. e madhe të tyre, në këto vila krijohen hapsira të mëdha ndenjje dhe 4 dhoma gjumi të mëdha. Pishinat ndryshojnë në përmasa nga njëra vilë në tjetrën pasi ndjekin formën e terrenit.




Fig. 17 – Planet e vilës tip C






Fig. 18 – S-7 – Plani i katit përdhe




Fig. 19 – S-7 – Prerje

Në fazën 3, sipërfaqet për tipologjinë e Vilës C janë si më poshtë:

- | | |
|--|----------------------|
| - Sipërfaqe e truallit e zënë nga struktura (kat përdhe): | 326 m ² |
| - Sipërfaqe e truallit e zënë nga struktura (projeksioni): | 458.8 m ² |
| - Sipërfaqe e përgjithshme e ndërtimit mbi tokë: | 654.8 m ² |



- Apartamentet

Objektet me apartamente do të jenë në formën e palazzinave 4-5 kate mbitokë, me një ose 2 kate nëntokë. Aksesimi për në nëntokë do të bëhet në mënyrë të ngjashme me vilat, duke e bërë hyrjen e tyre në të njëjtën kuotë me atë të rrugës. Këto objekte do të organizohen me apartamente të shpërndara vetëm në një anë të objektit, duke lejuar që të gjitha njësitë të kenë pamjen më të mirë, pra nga deti.

Grupi i shkallës dhe ashensorit theksohet në fasadën ballore nga një tërheqje në volum. Apartamentet në katin përdhe do të kenë nga një shirit gjelbërimi si një mini oborr privat. Për të ndricuar dhe ajrosur korridorin në katin përdhe në rastet kur objekti zhytet në terren, krijohen mini oborre në formën e gojave të ujkut. Aksesimi këmbësor mund të bëhet në këto pika në katin përdhe ose direkt me terrenin në katin e parë.

Në fazën e 3, do të kemi 7 objekte apartamentesh te plota dhe një objekt i cili do shtrihet në fazat 3 dhe 4 të projektit.

Apartamentet do të jenë të tipologjive të ndryshme studio, 1+1 dhe 2+1. Ndarja planimetrike është bërë modulare, duke u bazuar dhe në hapsirat e nevojshme për rrjetin struktural. Kjo gjë e bën ndarjen ose bashkimin e apartamenteve për të krijuar ap. më të mëdha ose më të vogla më të lehtë duke marrë parasysh dhe kërkesat nga klientët.




Fig. 18 – T-2 – Plani i katit përdhe






Fig. 21 T-2 Plani i katit +3 dhe mbulesës

Në fazën 3, sipërfaqet për tipologjinë e Apartamenteve janë si më poshtë:

- Sipërfaqe e truallit e zënë nga struktura (kat përdhe):	5512.5 m ²
- Sipërfaqe e truallit e zënë nga struktura (projeksioni):	5549.2 m ²
- Sipërfaqe e përgjithshme e ndërtimit mbi tokë:	27687.5 m ²



- Apart-Hotele

Apart-Hotelet trajtohen në mënyrë të ngjashme me apartamentet në aspektin e trajtimit modular të ndarjeve të apartamenteve dhe shpërndarjes së tyre me një korridor gjatësor në njërën anë të objektit. Gjithashtu Apart-Hotelet do të kenë një hapsirë të dedikuar në katin përdhe të tyre për recepsionin dhe lounge-in që do i vijë në ndihmë vizitorëve të ndryshëm dhe aksesit kryesor në objekt do të bëhet nga kjo hapsirë. Tipologjitë e vetë apartamenteve do të jenë të tipit studio, 1+1 dhe 2+1.





Fig. 21 – T-5 – Plani i katit 0 dhe +1



Në fazën 3, sipërfaqet për tipologjinë e Apart-Hoteleve janë si më poshtë:

- Sipërfaqe e truallit e zënë nga struktura (kat përdhe):	1145.9 m ²
- Sipërfaqe e truallit e zënë nga struktura (projeksioni):	1151.1 m ²
- Sipërfaqe e përgjithshme e ndërtimit mbi tokë:	5198.8 m ²

4.2 Pamja e Jashtme e Godinave / Trajtimi i Fasadave / Rifiniturave

Koncepti i zhvillimit të këtij masterplani kishte për qëllim një shkrirje sa më natyrale me terrenin. Për këtë arsye objektet janë menduar të ndjekin sa më shumë shtrirjen dhe këndët e izoipseve duke krijuar pamjen e një kodre të shkallëzuar. Ky qëllim arrihet më lehtë në rastin e ndërtesave të apartamenteve dhe apart-hoteleve prej gjatësisë që këto objekte do kenë. Në rastin e vilave, për të vazhduar të njëjtën ide volumetrike është menduar që vilat të bashkohen më njëra-tjetrën dhe të gjitha të mbulohen me të njëjtën taracë e cila i unifikon këto vila individuale në një objekt të vetëm. Koncepti i shkrirjes me terrenin ndihmohet dhe nga vetë topografia e zonës dhe diferenca në kuota që do kenë objektet në faqen ballore dhe pjesën e mbrapme të tyre.

Shkallëzimet që krijohen nga diferenca e kuotave në terren përdoren për hyrjen direkte nga rruga në garazhet private të vilave.

Në mënyrë që objektet të kenë një formë më natyrale, volumetria e tyre nuk bëhet lineare por krijon thyerje dhe cepa të ndryshme. Njëta formë trajtimi përdoret dhe në shkallëzimet e terrenit, duke e shkallëzuar kështu të gjithë masterplanin. Këto volume me forma dhe kënde të ndryshme krijojnë një peisazh arkitektonik të larmishëm.

Për të ndjekur vijën e konceptit, i'u kushtua rëndësi e veçantë materialeve të përdorura. Për të minimizuar mbetjet gjatë procesit të ndërtimit, është menduar që guri i gërrmuar nga terreni të përpunohet dhe të ripërdoret në veshjen e objekteve, duke ulur dhe impaktin ambiental gjatë ndërtimit. Veshja e gurit gjithashtu ndihmon dhe me kamuflimin e ndërtesave me kontekstin. Vilat të cilat kanë pak kate, vishen në gjithë lartësinë e tyre me gur, ndërsa plazhinat do të vishen me gur vetëm në dy katet e para të tyre, ndërsa në pjesën e sipërme do të jenë me beton të lyer.

Tek palazhinat kemi gjithashtu bashkime të dritareve në disa momente duke i hërë çarjet 2 kate të larta. Këto çarje më pas theksohen dhe më shumë me anën e një kornize të dalë me ngjyrë që ndryshon nga çarja në çarje.





Fig. 24 – Fasadë – S-8, Vilë Tip A




Fig. 25 – Volumetri – S-8, Vilë Tip A





Fig. 26 – Fasadë – S-4, Vilë Tip B




Fig. 27 – Volumetri – S-4, Vilë Tip B





Fig. 28 – Fasadë – S-7, Vilë Tip C




Fig. 29 – Volumetri – S-7, Vilë Tip C





Fig. 30 – Fasadë – T-2, Apartament




Fig. 31 – Volumetri – T-2, Apartament






Fig. 32 – Fasadë – T-5, Apart-Hotel



Fig. 33 – Volumetri – T-5, Apart-Hotel

Gjelbërimi luan një rol të rëndësishëm vizual në këtë projekt, pasi me anë të oborreve dhe tarracave të gjelbëruara, ndërtesat e ndryshme kamuflohen edhe më shumë duke u shkrirë me faqen e kodrës.





Fig. 34 – Render Vilat



Fig. 35 – Render Vilat






Fig. 36 – Render Apartamentet dhe Apart-Hotelet



Fig. 37 – Render Apart-Hotel

4.3 Përcaktimin e treguesve për zhvillim të projekt-propozimit

Më poshtë janë paraqitur treguesit e zhvillimit të projektit për Fazën 3:

TREGUESIT E ZHVILLIMIT TË PROJEKTIT

1. Sipërfaqe e përgjithshme e truallit:	58,020.91 m ²
2. Sipërfaqe e truallit e zënë nga struktura (kat përdhe):	9,908.3 m ²
3. Sipërfaqe e truallit e zënë nga struktura (projeksioni):	10,988.7 m ²
4. Sipërfaqe e përgjithshme e ndërtimit mbi tokë:	39,396.6 m ²
5. Sipërfaqe pishine:	1,215 m ²
6. Koeficienti i shfrytëzimit të truallit për ndërtim:	17.1 %
7. Koeficienti i shfrytëzimit të truallit për rrugë dhe hapsira publike:	82.9 %
8. Intensiteti i ndërtimit:	0.68
9. Numri i kateve mbi tokë:	2,4,5 kat
10. Numri i kateve nën tokë:	1, 2 kate

TREGUES TEKNIK:

- Zona Kadastrale: Z.K. 8642; Nr. pasurie 25/392, në emër të: Avni Delvina
- Zona Kadastrale: Z.K. 8642; Nr. pasurie 25/401, në emër të: TDT & Partners
- Zona Kadastrale: Z.K. 8642; Nr. pasurie 25/402, në emër të: Enso Holding
- Zona Kadastrale: Z.K. 8642; Nr. pasurie 25/403, në emër të: TDT & Partners
- Zona Kadastrale: Z.K. 8642; Nr. pasurie 25/404, në emër të: Martha dhe Ernesta Alidhima
- Zona Kadastrale: Z.K. 8642; Nr. pasurie 25/405, në emër të: TDT & Partners
- Zona Kadastrale: Z.K. 8642; Nr. pasurie 25/406, në emër të: Enso Holding
- Zona Kadastrale: Z.K. 8642; Nr. pasurie 25/409, në emër të: TDT & Partners
- Zona Kadastrale: Z.K. 8642; Nr. pasurie 25/717, në emër të: Rrahman Selmanllari
- Zona Kadastrale: Z.K. 8642; Nr. pasurie 25/722, në emër të: Rrahman Selmanllari
- Zona Kadastrale: Z.K. 8642; Nr. pasurie 25/725, në emër të: Fatmir Braka

KUFIZIMET:

Veri: Pronë private (Faza 1 e projektit)
Jug: Pronë private
Lindje: Pronë Shtet
Perëndim: Pronë private

Zhvillues: "TDT & Partners" Shpk
Subjekt Ndërtues: "TDT & Partners" Shpk



4.4 Hapësirat e lira dhe të gjelbërta / vendparkimet

Projekti ka intensitet dhe koeficient shfrytëzimi të ulët, që do të thotë hapësirat e lira do të jenë të bollshme. Hapësirat e gjelbërta, duke u nisur nga terreni, do të jenë në formën e shkallëzimeve të integruara me natyrën. Duke bërë shkallëzimet sipas drejtimeve të izoipsve dhe më pas duke i mbushur ato me gjelbërime të ndryshme arrihet një shkrirje natyrale me terrenin përreth.

Gjelbërimi që do të përdoret është përzgjedhur pas studimit të klimës dhe bimësisë lokale. Pemët që do të mbillen do të jenë pemë ulliri, limoni, lisi, pisha, fiku, rrushi, etj. Janë zgjedhur dhe bimë dhe lule të ndryshme si bouganvilla, livando dhe shkurre dekorative të ndryshme.

Privatësia në vila nuk do të arrihet me anë të gardheve apo rrethimeve të ngjashme, por duke përdorur gjelbërime të ndryshme me lartësi më të madhe për të krijuar ndarje nga vilat e tjera dhe rruga. Vilat do të kenë gjithashtu nga një pishinë të vogël individuale në këto oborre.

Në pjesën e Fazës 3 ku kemi apartamente dhe apart-hotele, përveç një shiriti përgjatë fasadës, pjesa tjetër e hapësirave të lira do të jenë të përbashkëta dhe në funksion të gjithë banorëve. Është menduar që për çdo 1-2 palazzina të krijohet nga një pishinë të përbashkët me funksionet e ndryshme që do të ketë nevojë përreth saj.

Nga Agoraja në Fazën 1 dalin 6 rrugë këmbësore në formën e rrezeve me gjatësi deri në fund të përfundimit të pronës për secilën prej tyre. Përgjatë këtyre kalimeve do të krijohen piazza të ndryshme publike ku mund të ndodhen hapsira për uljen e njerëzve, loja për fëmijë, si dhe hapsira komerciale në shkallëzimet e krijuara nga terrenet. Këto do të jenë pikat ku do kemi mbledhjen më të mëdha të njerëzve. Rrugët këmbësore që kalojnë përmes plazza-ve përfundojnë në fund të pronës me nga një shesh tjetër të përmasave më të vogla. Këto sheshe do të quhen Belvedere dhe do të funksionojnë si pika vrojtimi ndaj qytetit dhe pikave të tjera me interes.




Fig. 38 – Masterplan, Hapsirat e gjelbërta

Vilat, hotelet, apartamentet dhe apart-hotelet do të kenë parkime private nëntokësore. Në pjesën më të madhe të rasteve, aksesimi në këto kate do të bëhet në të njëjtën kuotë me rrugën, si pasojë dhe e shkallëzimeve të terrenit. Normalisht për vilat këto kate nëntokë do të jenë në formën e bordrumeve apo garazheve private për secilën vilë.

Në rastin e palazzinave (apartamentet dhe apart-hotelet), parkimi do jetë i organizuar në 1 ose 2 kate nëntokë përgjatë gjurmës së objektit për të gjithë banorët e secilit objekt.

5. Rregullat e Rrjeteve të Infrastrukturës

5.1 Pozicionimin e shërbimeve dhe rrjeteve kryesore të infrastrukturave

Në pjesën lindore të pronës kemi Rrugën “Butrinti” e cila ndodhet në anën e djathtë të Masterplanit, në një distancë prej rreth 300 m, dhe vazhdon përgjatë gjithë bregdetit të Sarandës deri në Butrint.

Pothuajse paralel në një distancë prej rreth 200 m me këtë rrugë ndodhet dhe një rrugë e re e ndërtuar së fundmi e cila nis nga Rruga “Skënderbeu” në pjesën veriore të saj dhe bashkohen me Rrugën “Butrinti” në Jug. Të dyja këto rrugë janë me dy korsi kalimi dhe kanë një seksion prej rreth 6.5 m të gjerë.

Në afërsi të pjesës Veri-Lindore të pronës kemi dhe rrugën e cila të çon në Kalanë e Lëkursit.




Fig. 39 – Planvendosje

Projekti në total ka një shtrirje të gjerë dhe duhet të krijohet një rrjet i brendshëm rrugësh për të mundësuar lëvizjen brenda në resort. Ky rrjet është menduar të përbëhet nga rrugë primare, sekondare dhe terciare.

Rruga primare do të përshkojë dhe do lidhi gjithë Masterplanin nga Lindja në Perëndim dhe do të ketë një seksion prej 11 m ku 7 m do të jetë trupi i rrugës për lëvizjen e makinave në të dyja drejtimet dhe trotuari do të jetë nga 2 m në secilën anë. Nga 3 tipologjitë e rrugëve, rruga primare do të jetë e vetmja ku prioritet do kanë makinat dhe jo njerëzit.

Rrugët sekondare do të aksesohen nga rruga primare dhe do i drejtojnë makinat drejt objekteve të ndryshme të projektit. Rrugët sekondare janë menduar me një seksion prej 8 m, ku 5 m është trupi i rrugës për makina dhe trotuari do të jetë 1.25 m -1.75 m në secilën anë. Makinat do të lëvizin vetëm në një drejtim në këto rrugë. Pavarësisht se rruga është e ndarë për makina dhe këmbësorë, trotuari do të ndodhet në të njëjtën kuotë si rruga duke e bërë këtë ndarje më informale.

Rrugët terciare do të aksesohen dhe nga rruga primare dhe nga rrugët sekondare në varësi të rastit. Janë të menduara si në formën e “shared street” me një gjerësi prej 5 m. Pra, nuk kemi ndarje makina/këmbësorë. Rrugët terciare do të përfundojnë në rrethrotullime informale ku makinat mund të rrotullohen dhe të dalin në po të njëjtën pikë nga e cila u futën.



Fig. 40 – Prerje skematike e rrugëve

Rrjeti rrugor i projektit i sipërpërmendur është krijuar duke pasur të gjithë Masterplanin në mendje. Kështu në Fazën 3 rrjeti rrugor ka shpëputje në pika të ndryshme. Për të siguruar lëvizjen në resort për këtë fazë, do të shtohen segmente të vogla rrugore për të mundësuar lidhjen e të gjithë rrjetit rrugor në projekt.